



ᠮᠣᠩᠭᠣᠯ ᠤᠯᠤᠰ
ᠭᠣᠪᠢ-ᠠᠯᠲᠠᠢ ᠠᠶᠢᠮᠦᠭᠢᠨ
ᠵᠠᠰᠠᠭ ᠳᠠᠷᠭᠢᠨ
ᠵᠠᠬᠢᠷᠠᠮᠵᠢ

МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2021 оны 08 сарын 25 өдөр

Дугаар А/372

Алтай хот

Ор дэлгэн ажиллуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Эрүүл мэндийн тухай хуулийн 11 дүгээр зүйлийн 11.1.4 дэх заалт, Эрүүл мэндийн сайдын 2021 оны А/416 дугаар тушаалаар батлагдсан “Эмнэлгийн бус орчинд коронавируст халдвар (Ковид-19)-тай иргэдэд тусламж, үйлчилгээ үзүүлэхэд баримтлах түр заавар”, Улсын онцгой комиссын 2021 оны 08 дугаар сарын 13-ны өдрийн 06 дугаар албан даалгавар, аймгийн Онцгой комиссын 42 дугаар хурлын тэмдэглэлийг тус тус үндэслэн **ЗАХИРАМЖЛАХ** нь:

1. Коронавируст халдвар (Ковид-19)-тай иргэдийг хэвтүүлэн эмчлэх 100 орыг Анагаахын шинжлэх ухааны үндэсний их сургуулийн Говь-Алтай аймаг дахь Анагаах ухааны сургуулийн дотуур байранд дэлгэн ажиллуулсугай.

2. Эмнэлзүйн заавраар эрэмбэлэн ангилалтыг хийж, дэлгэсэн орны тоо, зохицуулалт, холбогдох журам, зааврын дагуу тусламж үйлчилгээ үзүүлэхийг Нэгдсэн эмнэлэг (Ш.Мэндсайхан)-т, мэргэжил арга зүйн шуурхай удирдлагаар хангаж ажиллахыг Эрүүл мэндийн газар (Г.Лхагважаргал)-т тус тус үүрэг болгосугай.

3. Ахмадын сувиллыг эмч, эмнэлгийн ажилтнуудын тусгаарлах байр болгон ажиллуулахыг Хөдөлмөр, халамжийн үйлчилгээний газар (М.Мянганбуу)-т үүрэг болгосугай.

4. Коронавируст халдвар (Ковид-19)-тай иргэдийг хэвтүүлэн эмчлэхтэй холбоотой зардлыг зохих хууль, журмын дагуу хянаж, Эрүүл мэндийн даатгалын сангаас санхүүжүүлэхийг Эрүүл мэндийн даатгалын хэлтэс (Б.Энхцэцэг)-т даалгасугай.

5. Хичээлийн шинэ жил эхлэхтэй холбогдуулан сургуулийн дотуур байрыг суллаж, коронавируст халдвар (Ковид-19)-ын эмчилгээнд ашиглах орны нөөц бүрдүүлж ажиллахыг сумдын Засаг дарга нарт үүрэг болгосугай.

6. Захирамжийн хэрэгжилтэд хяналт тавьж ажиллахыг Засаг даргын орлогч (Д.Отгонбаяр)-д үүрэг болгосугай.

ЗАСАГ ДАРГА

О.АМГАЛАНБААТАР

C:/My documents/-3A-4 doc

02011260